

Ka-wiciyaniwak ki-witashimākinawak

MITAWÍ-KITÍTHÍCIKAN ASKISA CANATA ITASCIKIWINIHK

KITHÁNAW KI-TATOSKATÍMAKANAW

Óma ohci isiniwak óta Canata, ka-wici-kitithitamak mina ka-takaki-māmawinohkótayahk kiskinōwapahciwiwin, mitōni tapwi mina pa-pitos-pimatīsi-isiniwacikiwin óta Canata ka-hayayak, ikwa ka-pamitayahk óki isiniwinistótamatōwin, mitho-itithicikiwin, ta-takakithitamak óma ki-tashinaw, ta-sohki miciminimā askiwi-pimatīsiwin, mina kanawithi-tapwiwin óki ayawina ta-hayakik, ka-iskonamāwakaw withāwaw óki ānohciki mina ātinikan kisiposakiniwak

KITHÁNAW KITATOSKÍWINAW

kithánaw óma ka-kitapatimāc óki kihci-aski mitawí-ayawina, mina kihci-kiskinawaci-aski ayawina, ikwa mina óki kihcikamik-māmawī-kitapacikini nīpik-ayawina, ikoni ohci Canata ka-māmawī pamítayahk

kithánaw mina ka-kiskinohtakícik óki hokwikíwak misakam-askihk ohci, ka-thótīnamak-iskotíma ótí isi oskahí miskawiina, kiskinamatōwiwin, mamitonithítamowiwinihk, ikwa mina asíci mítawī-mocíkiwinihkohk

kithánaw mina ka-māmawícíwítōwak ka-manókatimāc óma sohkwa mistáhi nistam nihíthā-aniskótotamōwin, mina maskiwísiwin ka-ohcipathík óma mana papitos isi-pimacíhowiwina ka-hayáyak óta, ikwa óma mina misikamaski māmawī-api-ayawina kawíci-tapwímítōwak namothá-íka tapakícimitowak

kithánaw óma mina ka-acímowak, kakítwam mina ka-hatótamak tanisi-isi-ka-kí-pí pimotatímāc ki-taskinaw ikwa asíci óki nístam kicí-isiniwak, withāwaw íyako otacímowíwa óta Canata aski

KITHÁNAW TAPWÍ-MICÍMINAMÁKÍWINAW

óma ka-níkaní kanáwī-kitapatímāc, óki tapwí nistam isini-aniskókamákíwin ikoni óki kitakaki-ayakowina ka-sohki miciminimāc, íka ta-wínítayahk maka tamithó takakiyahkihk ikwa mina tapakítinimāc ta-maskawí sohki ayakik óki piyakocahí ayawina

ta-wapatáthókíyahk óma kimíthótashinaw mina mitōni koyask piyakocáyahk óma kitashinaw ka-hayakik, ikwa mina ka-koyasko masínahámakíyahk óma isininaw soki-ahkamíthítamowin asíci mitōni nahi mamátoníthícikíwinihk ikoni ka-kí pí-isi ayayak óma óta ki-māmawī-isisni-tashinaw

ka-kiskinōwácitayahkik óki ka-kí-pí-takaki sihkisakícik óthāpacikíniwak ki-kicíwítaskimīnanak, wíthāwaw ókwatákihíwíthímowinihkaw, mina ókiskíthítamowíwinawaw ka-kí-pí-sihkiskiwákaw ta-mithó-itíhíyahk óta ohci ki-taskināc

ka-wícihayakaw óki kicí-ópikimīnanak, ka-māmawī-atoskatamak kaskíhímiwin mina takaki sihkótímatowin íkota mithó kaskítawiwīn, kistíthícikíwin ikwa mina piyakwan-ítótamatowiwīn ka-ohci-māmawī-ayayak

2002